

**საქართველოს შინაგან საქმეთა სამინისტროს
სატენდერო კომისიის სხდომის
ოქმ ი #2**

ქ. თბილისი

II-- დეკემბერი 2017 წელი

სხდომას ესწრებოდნენ:

სატენდერო კომისიის თავმჯდომარე:

თია მელაძე - შს სამინისტროს ეკონომიკური დეპარტამენტის დირექტორი.

სატენდერო კომისიის წევრები:

სოფიკო ვაჩიშვილი - შს სამინისტროს ეკონომიკური დეპარტამენტის სახელმწიფო შესყიდვების სამმართველოს უფროსი.

თენგიზ ხანიაშვილი - შს სამინისტროს ეკონომიკური დეპარტამენტის სახელმწიფო შესყიდვების სამმართველოს უფროსის მოადგილე.

სათათბირო ხმის უფლებით მოწვეული შესაბამისი დარგის სპეციალისტები:

მერაბ გოცირიძე - სსიპ - საქართველოს შინაგან საქმეთა სამინისტროს ჯანმრთელობის დაცვის სამსახურის უფროსი.

შალვა მაღლაკელიძე - საქართველოს შინაგან საქმეთა სამინისტროს სახელმწიფო საქვეუწყებო დაწესებულების - საქართველოს სასაზღვრო პოლიციის სამედიცინო-სადაზღვევო სამსახურის უფროსი.

სატენდერო კომისიის აპარატის წევრები:

ილია აფციაური - შს სამინისტროს ეკონომიკური დეპარტამენტის სახელმწიფო შესყიდვების სამმართველოს ხელშეკრულებების უზრუნველყოფის განყოფილების უფროსი.

დღის წესრიგი:

საქართველოს შინაგან საქმეთა სამინისტროს 24 669 (სავარაუდო რაოდენობა) თანამშრომლისათვის 2018 წლის განმავლობაში სამედიცინო დაზღვევის (საოჯახო დაზღვევის პაკეტი) მომსახურების (CPV-66510000) შესყიდვის მიზნით გამოცხადებულ SPA170014846 ერთობლივი ელექტრონული ტენდერში პრეტენდენტების მიერ წარმოდგენილი წინადადებების/ტექნიკური დოკუმენტაციის განხილვა და შესაბამისი გადაწყვეტილების მიღება.

განიხილეს:

სატენდერო კომისიის აპარატის წევრმა ილია აფციაურმა სატენდერო კომისიას მოახსენა, 2018 წლის განმავლობაში სამედიცინო დაზღვევის (საოჯახო დაზღვევის პაკეტი) მომსახურების შესყიდვის მიზნით SPA170014846 ერთობლივი ელექტრონული ტენდერში წინადადება წარმოადგინა სამმა პრეტენდენტმა, სატენდერო წინადადების შემდეგი ბოლო ფასებით:

1. სს „პსპ დაზღვევა“ – 17 465 652 ლარი;
2. სს „სადაზღვევო კომპანია ჯიპიაიპოლდინგი“ – 17 000 000 ლარი;
3. სს „სადაზღვევო კომპანია იმედი ელ“ – 16 148 919 ლარი.

სატენდერო კომისიის სხდომაზე აღინიშნა, რომ „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანებით დამტკიცებული წესის 27-ე მუხლის პირველი პუნქტის შესაბამისად, სატენდერო კომისიამ უნდა განიხილოს ყველაზე დაბალი ფასის მქონე პრეტენდენტის სს „სადაზღვევო კომპანია იმედი ელ“-ის მიერ ერთიან ელექტრონულ სისტემაში ატვირთული სატენდერო წინადადება ტექნიკური დოკუმენტაცია.

სატენდერო კომისიის აპარატის წევრმა ილია აფციაურმა სატენდერო კომისიას მოახსენა, რომ SPA170014846 ერთობლივი ელექტრონული ტენდერის განცხადების თანახმად, პრეტენდენტს უნდა წარმოედგინა შემდეგი ინფორმაცია/დოკუმენტები:

1. ფასების ცხრილი (სადაზღვევო პაკეტის ღირებულებები);
2. დაზღვევის შესაბამისი სახეობის განხორციელების ლიცენზია;
3. გამოცდილების დამადასტურებელი დოკუმენტები, რომლებიდანაც დადასტურდება, რომ 2014, 2015, 2016 და 2017 წლების განმავლობაში (4 წლის განმავლობაში ჯამურად) სამედიცინო დაზღვევაზე (სახ.

სადაზღვევო პროგრამების გარეშე) პრეტენდენტის მიერ გამომუშავებული პრემია და ანაზღაურებული ზარალი ჯამში შეადგენდეს არანაკლებ 10 000 000 (ათი მილიონი) ლარს;

4. პროვაიდერი კლინიკების ჩამონათვალი (მისამართების მითითებით), დედაქალაქის, თვითმმართველი ქალაქებისა და მუნიციპალიტეტების მიხედვით;

5. ოჯახის ექიმების ჩამონათვალი (მისამართების მითითებით), დედაქალაქის, თვითმმართველი ქალაქებისა და მუნიციპალიტეტების მიხედვით. ასევე თუ ოჯახის ექიმები განთავსებულნი არიან კლინიკებში, ან კლინიკების საიხლოვეს, აღნიშნული უნდა იყოს მითითებული.

სატენდერო კომისიის აპარატის წევრმა ილია აფციაურმა სატენდერო კომისიას ასევე მოახსენა, რომ სს „სადაზღვევო კომპანია იმედი ელ“-მა ერთიანი ელექტრონული სისტემის მეშვეობით წარმადგინა შემდეგი ინფორმაცია/დოკუმენტები:

1. ფასების ცხრილი (სადაზღვევო პაკეტის ღირებულებები);
2. დაზღვევის შესაბამისი სახეობის განხორციელების ლიცენზია;
3. გამოცდილების დამადასტურებელი დოკუმენტები;
4. პროვაიდერი კლინიკების ჩამონათვალი;
5. ოჯახის ექიმების ჩამონათვალი;
6. სააფთიაქო ქსელის ნუსხა (არ იყო მოთხოვნილი);
7. ინფორმაცია სატენდერო განცხადებით განსაზღვრული ძირითადი მოთხოვნების შესახებ (არ იყო მოთხოვნილი);
8. სს „სადაზღვევო კომპანია იმედი ელ“-ის თეთრ სიაში რეგისტრაციის ვადის გაგრძელების შესახებ სახელმწიფო შესყიდვების სააგენტოს თავმჯდომარის 2016 წლის 1 დეკემბრის N3318 განკარგულება (არ იყო მოთხოვნილი);
9. პროვაიდერი სასწრაფოების ჩამონათვალი (არ იყო მოთხოვნილი);
10. პროვაიდერი სტომატოლოგიური კლინიკების ჩამონათვალი (არ იყო მოთხოვნილი).

სატენდერო კომისიამ განიხილა სს „სადაზღვევო კომპანია იმედი ელ“-ის მიერ ერთიანი ელექტრონულ სისტემაში წარმოდგენილი ინფორმაცია/დოკუმენტების SPA170014846 ერთობლივი ელექტრონული ტენდერის განცხადებაში არსებულ მოთხოვნებთან შესაბამისობის საკითხი.

განხილვისას სატენდერო კომისიაზე აღინიშნა, რომ ფასების ცხრილი (სადაზღვევო პაკეტის ღირებულებები) წარმოდგენილია შემსყიდველის მოთხოვნის შესაბამისად, თუმცა აუცილებელია პრეტენდენტმა სადაზღვევო პაკეტის ღირებულებები დააზუსტოს ერთიანი ელექტრონულ სისტემაში დაფიქსირებული ფასის 16 448 919 ლარის შესაბამისად. დაზღვევის შესაბამისი სახეობის ლიცენზიები, კერძოდ სიცოცხლის და არა სიცოცხლის დაზღვევის ლიცენზიები გაცემულია შესაბამისი უფლებამოსილი ორგანოს მიერ (სსიპ საქართველოს დაზღვევის სახელმწიფო ზედამხედველობის სამსახური) და ასევე შეესაბამება შემსყიდველის მოთხოვნებს.

პრეტენდენტის მიერ წარმოდგენილი გამოცდილების დამადასტურებელი დოკუმენტების განხილვისას სატენდერო კომისიის სხდომაზე აღინიშნა, რომ სსიპ საქართველოს დაზღვევის სახელმწიფო ზედამხედველობის სამსახურის 2017 წლის 28 ნოემბრის N558 წერილიდან დასტურდება შემსყიდველის მოთხოვნებთან შესაბამისობა, რომ 2014, 2015, 2016 და 2017 წლების განმავლობაში (4 წლის განმავლობაში ჯამურად) სამედიცინო დაზღვევაზე (სახ. სადაზღვევო პროგრამების გარეშე) პრეტენდენტის მიერ გამომუშავებული პრემია და ანაზღაურებული ზარალი ჯამში შეადგენდეს არანაკლებ 10 000 000 (ათი მილიონი) ლარს.

სს „სადაზღვევო კომპანია იმედი ელ“-ის მიერ წარმოდგენილი ოჯახის ექიმების და პროვაიდერი კლინიკების ჩამონათვალის განხილვისას სატენდერო აპარატის წევრმა, ილია აფციაურმა სატენდერო კომისიას მოახსენა, რომ პრეტენდენტის მიერ წარმოდგენილი ინფორმაციის მიხედვით, ყველა თვითმმართველ ქალაქში და მთლიანობაში 54 მუნიციპალიტეტში პრეტენდენტს ყავს პროვაიდერი კლინიკა და ოჯახის ექიმი.

მოწვეულმა სპეციალისტებმა აღნიშნულ საკითხთან დაკავშირებით განაცხადეს, რომ ვინაიდან წინამდებარე ტენდერით ხდება შინაგან საქმეთა სამინისტროს 24 669 (სავარაუდო რაოდენობა) თანამშრომლისათვის და მათი 46 400 ოჯახის წევრისთვის სადაზღვევო მომსახურების შესყიდვა, რომელთა დიდი ნაწილი კონცენტრირებულია თბილისში, აუცილებელია სამედიცინო მომსახურების ხელმისაწვდომობისთვის და მომსახურებების სრული სპექტრის დაფარვისთვის პრეტენდენტმა ქ. თბილისში დამატებით უზრუნველყოს პროვაიდერი სტაციონარული კლინიკების დაპროვაიდერება, რომლებშიც შესაძლებელი იქნება შემდეგი სამედიცინო მომსახურების მიღება:

- ონკოლოგია;
- გინეკოლოგია;
- მამოლოგია;
- ანგიოლოგია;
- კარდიოქირურგია;
- ინტერვენციული კარდიოლოგია,
- უროლოგია;
- ქირურგია;

- ნეიროქირურგია;
- ტრავმატოლოგია;
- ყელ-ყურ-ცხვირი;
- ყბა-სახის ქირურგია;
- თერაპია;
- დამწვრობა;
- ინფექციური;

ზემოაღნიშნულის გათვალისწინებით მიზანშეწონილია, პრეტენდენტმა დამატებით მოახდინოს არანაკლებ 8 სტაციონარული კლინიკის დაპროვადირება. ამასთან ვაჟა-ფშაველაზე მიმწოდებელმა დამატებით უნდა უზრუნველყოს არანაკლებ 3 ოჯახის ექიმი და ერთი პედიატრის დამატება, ხოლო ისანი-სამგორის რაიონში მინიმუმ ერთი ოჯახის ექიმის დამატება.

მოწვეულმა სპეციალისტებმა ასევე აღნიშნეს, რომ შემოთავაზებული ამბულატორიული კლინიკები სრულყოფილად არ ფარავს თბილისის ყველა უბანს, შესაბამისად სტაციონარული კლინიკებთან ერთად, მიმწოდებელმა ასევე უნდა უზრუნველყოს ამბულატორიული პროვადირი კლინიკების დამატება, თბილისში ლუბლიანას ქუჩაზე, ვაჟა-ფშაველაზე, ჭავჭავაძეზე, გლდანში და ალ. ყაზბეგზე. მათ შორის ერთ-ერთი პროვადირი უნდა იყოს სსიპ საქართველოს შსს ჯანმრთელობის დაცვის სამსახური.

სს „სადაზღვევო კომპანია იმედი ელ“-ის მიერ წარმოდგენილი სააფთიაქო ქსელის ნუსხის განხილვისას მოწვეულმა სპეციალისტებმა სატენდერო კომისიას მოახსენეს, რომ მიზანშეწონილია, პრეტენდენტმა დამატებით უზრუნველყოს საქართველოს რამდენიმე რეგიონში პროვადირი აფთიაქის დამატება, რათა შს სამინისტროს თანამშრომლებმა შეუფერხებლად შეძლონ მედიკამენტების მიღება. აფთიაქები უნდა დაემატოს შემდეგ რაიონებში:

- ადიგენი;
- დედოფლისწყარო;
- თეთრიწყარო;
- თიანეთი;
- ლენტეხი;
- ონი;
- ყაზბეგი;
- შუახევი;
- ცაგერი;
- წალკა;
- ხარაგაული;
- ხელვაჩაური.

მოწვეულმა სპეციალისტებმა ასევე აღნიშნეს, რომ ამბულატორიული მომსახურების მიმართულებით პრეტენდენტს შემოთავაზებული აქვს კლინიკა „მედეკაპიტალი“ რომელიც თბილისში რამდენიმე მისამართზეა, რომლებიდანაც პრეტენდენტს შემოთავაზებული აქვს მხოლოდ ერთი, შესაბამისად მიზანშეწონილია სს „სადაზღვევო კომპანია იმედი ელ“-მა დააზუსტოს აღნიშნული საკითხი.

პრეტენდენტის მიერ წარმოდგენილი პროვადირი სასწრაფო დახმარებების ნუსხის განხილვისას სატენდერო კომისიაზე აღინიშნა, რომ სატენდერო განცხადების თანახმად, პრეტენდენტმა უნდა უზრუნველყოს მოზრდილთა და პედიატრიული ასაკის პაციენტთათვის საქართველოს ტერიტორიაზე მოქმედი, ნებისმიერი ლიცენზირებული გადაუდებელი სამედიცინო დახმარების მომსახურება, შესაბამისად მიზანშეწონილია სს „სადაზღვევო კომპანია იმედი ელ“-მა დააზუსტოს აღნიშნული საკითხი.

მოწვეულმა სპეციალისტებმა ასევე აღნიშნეს, რომ ვინაიდან სამუშაო დღე შს სამინისტროში სრულდება 18:00 საათზე, მიზანშეწონილია ქ. თბილისის მასშტაბით პრეტენდენტმა დამატებით წარმოადგინოს არანაკლებ 6 ოჯახის ექიმის ჩამონათვალი, რომლებთანაც შესაძლებელი იქნება მომსახურების მიღება 18:00 საათის შემდეგ.

პრეტენდენტმა მიზანშეწონილია ასევე წარმოადგინოს ინფორმაცია, თუ როგორი პროცედურით მოხდება თანხის ანაზღაურება იმ არაპროვადირ კლინიკებში, რომლებშიც დაზღვეულის გადაყვანა მოხდება სასწრაფო დახმარების მიერ და საიდანაც მისი ტრანსპორტირება სამედიცინო ჩვენების მიხედვით იქნება შეუძლებელი ან/და ყველა ის შემთხვევა, როცა რომელიმე ნოზოლოგიის მკურნალობა არ ხდება სადაზღვევო კომპანიის პროვადირ კლინიკებში.

კომისიამ დაადგინა:

1. „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანებით დამტკიცებული წესის 27-ე მუხლის მუხლის მე-5 და მე-10 პუნქტების შესაბამისად სს „სადაზღვევო კომპანია იმედი ელ“-მა 3 (სამი) სამუშაო დღის განმავლობაში ერთიან ელექტრონულ სისტემის მეშვეობით წარმოადგინოს დაზუსტებული ტექნიკური დოკუმენტაცია და ხარჯთაღრიცხვა. კერძოდ:

ა) ერთიან ელექტრონულ სისტემაში დაფიქსირებული ბოლო ფასის, 16 448 919 ლარის, შესაბამისად დაზუსტებული პაკეტის ღირებულებები;

ბ) წინამდებარე ოქმის შესაბამისად დაზუსტებული ინფორმაცია პროვაიდერი კლინიკების, ოჯახის ექიმების, სააფთიაქო ქსელისა და სასწრაფო დახმარებების შესახებ.

გ) ინფორმაცია, თუ როგორი პროცედურით მოხდება თანხის ანაზღაურება იმ არაპროვაიდერ კლინიკებში, რომლებშიც დაზღვეულის გადაყვანა მოხდება სასწრაფო დახმარების მიერ და საიდანაც მისი ტრანსპორტირება სამედიცინო ჩვენების მიხედვით იქნება შეუძლებელი ან/და ყველა ის შემთხვევა, როცა რომელიმე ნოზოლოგიის მკურნალობა არ ხდება სადაზღვევო კომპანიის პროვაიდერ კლინიკებში.

2. სს „სადაზღვევო კომპანია იმედი ელ“-ის მიერ ტექნიკური დოკუმენტაციის დაზუსტების მიზნით, ზემოაღნიშნული ინფორმაციის 3 (სამი) სამუშაო დღის განმავლობაში ერთიან ელექტრონული სისტემის მეშვეობით დაუზუსტებლობის, არასრულად დაზუსტების ან/და დაზუსტების შედეგად არსებითად შეცვლის შემთხვევაში, სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანებით დამტკიცებული წესის 32-ე მუხლის პირველი პუნქტის „გ“ ქვეპუნქტის საფუძველზე, მოხდეს პრეტენდენტის დისკვალიფიკაცია.

3. აღნიშნული გადაწყვეტილება ჩაითვალოს პრეტენდენტისათვის შეტყობინებად და პრეტენდენტს შეტყობინება გაეგზავნოს მიმდინარე სატენდერო კომისიის სხდომის ოქმის სახელმწიფო შესყიდვების ერთიან ელექტრონულ სისტემის შესაბამის მოდულში ატვირთვის გზით. შეტყობინება მიღებულად ჩაითვლება მისი სისტემაში ატვირთვის მომენტიდან.

4. სატენდერო კომისიის მიერ დადგენილი ვადების ათვლა იწყება მიმდინარე სატენდერო კომისიის სხდომის ოქმის შესყიდვების ერთიან ელექტრონული სისტემის შესაბამის მოდულში ატვირთვის მომდევნო სამუშაო დღიდან.

5. დავალოს სატენდერო კომისიის აპარატს წინამდებარე ოქმის სახელმწიფო შესყიდვების ერთიან ელექტრონულ სისტემაში ატვირთვა.

6. აღნიშნული გადაწყვეტილების გასაჩივრება შესაძლებელია სახელმწიფო შესყიდვების სააგენტოს თავმჯდომარის 2015 წლის 27 თებერვლის N1 ბრძანებით დადგენილი წესის მიხედვით, ერთიან ელექტრონული სისტემის შესაბამის ვებში არსებული სისტემური დოკუმენტის მეშვეობით. (<https://tenders.procurement.gov.ge>).

სატენდერო კომისიის თავმჯდომარე

თ. მელაძე

კომისიის წევრი

ს. ვაჩიშვილი

კომისიის წევრი

თ. ხანიაშვილი

მოწვეული სპეციალისტი

მ. გოცირიძე

მოწვეული სპეციალისტი

შ. მალაქელიძე

აპარატის წევრი

ი. აფციაური